


# Nai tuvatuva vakarautaki me baleta na veidigidigi levu raraba 2023.



E231 06/23 Fijian



**Mo kila vinaka na veika e gadrevi kei na tuvatuva ni veidigidigi ka na vakayacori ena yabaki 2023**

## Mo vakadeitaka ni ko sa vakalewena oti na fomu ni veidigidigi ka donu vinaka nai tukutuku volai me baleti iko.

Ena rawa ga ni ko veidigidigi kevaka ko sa vakalewena oti na fomu vakarautaki. Mo na vakalewena na fomu ni veidigidigi kevaka ko sa yabaki 18 se sivia, lewenivanua tudei e Niusiladi, se lewenivanua tu vakawawa, ka ko sa vakaitikotiko e Niusiladi ena loma ni 12 na vula se sivia.



## Mo vakalewe fomu ka vakadeitaka na veitukutuku volai me baleti iko ena vatavata biau livaliva

E rawarawa na vakalewe fomu ni veidigidigi se na kena vakadeitaki nai tukutuku volai me baleti iko kevaka ko vakayagataka na nomu vola tara ni draiva e Niusiladi, nai vola tara ni curu vanua ni Niusiladi se na vatavata ni biau livaliva ka vakatokai na RealMe verified identity.

- Mo raica na vatavata na [vote.nz](https://www.vote.nz)
- Qirita **0800 36 76 56**
- E sega ni saumi na nomu vakauta ena vatavata ni biau livaliva na yacamu kei vanua ko vakaitikotiko kina ena naba **3676**



## Na nomu i vola tukutuku vakarautaki ka vakatokai na EasyVote pack

Kevaka ko sa vakalewena oti na fomu ni veidigidigi ena Siga Tabu 10 Sepiteba, ena vakau yani vei iko ena meli e dua na EasyVote pack.

Na nomu EasyVote pack ena vakamacalataka na gauna ko na veidigidigi kina kei na veiyaca vakaturi mo na digidigi kina. Na nomu EasyVote pack ena lewena na nomu EasyVote card, ka na vaka rawarawa taka na nomu vakaitavi ena veidigidigi. Ena rawa talega ni ko vakaitavi ena veidigidigi ke sega nomu EasyVote pack, ia, esa na taura toka dua na gauna mo na qai veidigidigi kina.

Kevaka ko qai vakalewe fomu ni veidigidigi ena taudaku ni Siga Tabu nai ka 10 ni Sepiteba, se ena siga ni veidigidigi, esa na sega ni soli vei iko na EasyVote card. O sa na vakaitavi ena veidigidigi ena sala ka vakatokai na special vote, ka na taura edua na gauna balavu na kena vakayacori.

**Ena dola tiko na veidigidigi:** 9 na kaloko ena mataka ni Moniti 2 Okotova

**Ena sogo tiko na veidigidigi:** Ena 7 na kaloko na yakavi ni siga ni veidigidigi, Vakarauwai 14 Okotova



## Na veigauna eso ka ra na dola kina na vanua ni veidigidigi kei na vanua era na rawa ni laurai kina

Sa na rawa ni ko vakalewe fomu ka vakaitavi ena veidigidigi levu raraba ena dua ga na vanua varautaki ni veidigidigi mai na siga Moniti 2 Okotova ki na siga Vakarauwai 14 Okotova.

Ena siga ni veidigidigi, siga Vakarauwai 14 Okotova, era na dola tu na veivanua vakarautaki ni veidigidigi mai na 9 na kaloko ena mataka ki na 7 na kaloko ena yakavi.

Nai tukutuku vakarautaki me baleta na veivanua ni veidigidigi kei na gauna era dola kina ena rawa ni laurai ena [vote.nz](https://www.vote.nz) se mo qirita **0800 36 76 56** ka tekivu mai na loma ni vula ko Sepiteba.



## Na vei vanua tale eso ka na rawa ni tauri mai kina nai vakamacala me baleta na vakalewe fomu ni veidigidigi kei na tuvatuva ni veidigidigi

- Mo raica [vote.nz](https://www.vote.nz)
- Qirita na **0800 36 76 56**

Mo wasea yani nai tukutuku vakarautaki oqo ki vei ira ka gadreva na veivuke me baleta na veidigidigi levu.

Na tukutuku vakarautaki oqo me baleta na vakalewe fomu ni veidigidigi kei na tuvatuva ni veidigidigi era volai talega ena matua vosa ni veivanua kei na vatavata biau livaliva eso ena [vote.nz](https://www.vote.nz)

# Nai tuvatuva vakarautaki ni veidigidigi

## 1 Mo kauta yani nomu EasyVote card

Mo kauta yani nomu EasyVote card ka ni na vaka rawarawa taka na nomu veidigidigi. Ena rawa ga ni ko veidigidigi kevaka o guilecava mo kauta yani nomu EasyVote card se ke sega ni dua nomu Card.



## 2 Ena tiko e dua nai vakalesilesi me na vukei iko ena vanua varautaki ni veidigidigi

Era na vukei iko nai vakalesilesi ni veidigidigi ena veika mo vakayacora kei na vanua mo veidigidigi kina.



## 3 Veidigidigi ena gauna ni veidigidigi levu raraba

Ena veidigidigi levu raraba, ena vakatarai vei iko me rua nomu digidigi - na vei digitaki ki na soqosoqo vaka politikiki kei na mata vakaturi mai na vanua ko vakaitikotiko kina.


### Na digitaki ni soqosoqo vaka politikiki

Na nomu digitaka na soqosoqo vaka politikiki ko veitokoni kina.

Na digidigi oqo ena vukea nai wiliwili ni dabedabe ni soqosoqo vaka politikiki e Palimedi. Na soqosoqo vaka politikiki ka levu nona digidigi ena levu nona wiliwili ni dabedabe e Palimedi.

Sa na rawa talega ni ko digitaka na soqosoqo vaka politikiki ko taleitaka kevaka ko volai tu ena vola ni dau veidigitaki raraba se ena nodra vola na Maori.

Ena nomu vola tikidua ni veidigidigi, mo toqa na yaca ni soqosoqo ni politikiki ko sa digitaka.



### Na veidigidigi ena vanua ko vakaitikotiko kina



Na veidigidigi ena vanua ko vakaitikotiko kina e vakarautaki me ko digitaka e dua na mata vakaturi Ki na Bose Lawa.

Na mata vakaturi ka levu duadua na wiliwili ni nona digidigi esa na mata ni vanua ko vakaitikotiko kina ki na Bose Lawa. E sa na nomuni mata digitaki ki na mata Bose Lawa.

Kevaka ko a vakalewena mo veidigidigi enai vola tudei ni veidigidigi vei ira na Maori, ko na digitaka e dua ka tu mai ena dabedabe nodra na Maori.

Kevaka ko a vakalewena mo veidigidigi enai vola tudei ni veidigidigi raraba, ko na digitaka e dua ka tu enai dabedabe raraba.


Mo toqa na yacana na mata vakaturi ko digitaka ena tiki ni pepa vakarautaki ni veidigidigi me mata ni vanua ko vakaitikotiko kina.



Na wiliwili ni veidigitaki ki na soqosoqo vaka politikiki = Na cakacaka taki mai kina na wiliwili ni dabedabe ena Mata Bose Lawa

## 4 Mo biuta na tiki ni pepa ena kisi vakarautaki ni veidigidigi

Sa mai cava e keya na tuvatuva ni veidigidigi - ko sa vakaitavi oti ena veidigidigi!



## Sega ni yaco rawa ki na vanua varautaki ni veidigidigi?

Kevaka ko sega ni yaco rawa ki na vanua varautaki ni veidigidigi, ka vakavuna beka na veika me vaka na, tauvimate se malumalumu ni tuvaki ni yago, sa na rawa ni ko vukei mo vakaitavi talega ena veidigidigi. Mo raica tale nai kuri ni tukutuku [vote.nz](http://vote.nz) se qirita **0800 36 76 56** ka veitalanoa taka na veisala eso mo na vakaitavi kina.

Kevaka ko vakaitikotiko enai tikotiko ni nodra na malumalumu, sa na veitaratara yani nai Vakalesilesi veiutaki mai na nomu tikotiko ni veidigidigi ki vua na Manidia ni tikotiko ko tiko kina me na vukea na nomu vakaitavi talega ena veidigidigi.

Ke o sega ni rawa ni gole ki na dua na vanua ni veidigidigi baleta ni o curu tiko e valenibula, me tekivu mai na Moniti 2 Okotova, ena rawa ni kauta mai na nomu pepa ni veidigidigi e dua na wekamu se lewe ni nomu vuave.

## Veidigidigi mai Vanua tani

Kevaka ko vakaitavi ena veidigidigi mai vanua tani, sa dodonu mo sa na vakalewe fomu oti ena 12 na kaloko ena bogi ni Vakaraubuka, 13 Okotova. Mo Vakalewe fomu ni veidigidigi se vakadeitaka na veitukutuku volai me baleti iko ena [vote.nz](http://vote.nz)

Sa na rawa ni ko veidigidigi mai vanua tani mai na Siga Vukelulu 27 Sepiteba me yacova na 7pm ena siga Vakarauiwai 14 Okotova (gauna kei na tiki ni siga kei na vula e NZ).

Na sala rawarawa ka totoo duadua ni veidigidigi mai vanua tani sai koya na nomu vakayagataka na vatavata biau livaliva ni veidigidigi ena vakaleweni ni fomu, kei na kena vakau lesu ena vatavata ga koya [vote.nz](http://vote.nz)

**Na qiri ena talevoni mai vanua tani:** +64 9 909 4182 (saumi na qiri mai vanua tani)

**Na qiri ena talevoni e Niusiladi:** 0800 36 76 56

## Ko gadreva beka na veivuke ena wiliki kei na vakamacalataki ni tuvatuva ni kena toqai na tiki ni pepa vakarautaki ni veidigidigi?

E vakatarai me na vukei iko e dua na nomu tokani, wekamu voleka kei na dua na vakalesilesi mai na valenivolavola ni veidigidigi ena wiliki kei na toqai na tiki ni pepa vakarautaki ni veidigidigi. Nai tokani ko ya e wili kina:

- E dua me na tomani iko ki na vanua vakarautaki ni veidigidigi
- ena wilika kece vei iko nai tukutuku vakarautaki ena tiki ni pepa ni veidigidigi
- ena toqa na yaca ni mata vakaturi ko sa digitaka kevaka ko kerei koya me cakava.

E sega ni dodonu me ra na tukuna vei iko se ko cei mo na digitaka.

E na vakarautaki na misini ni veidigidigi vei ira na mataboko, vei ira talega ka sa via buwawa nodra rai, se vauci ena veimalumalumu ni yago me vukea nodra kila vinaka nai tukutuku volai me baleta na veidigidigi kei na kena toqai na yacana na mata vakaturi.

Mo na vakalewena na fomu ni kena vakadeitaki ni ko na vakayagataka na misini oqo. Qirita **0800 028 028** ka tabaka na dusidusi ka tukuni toka kina na option 1 me vakadeitaka na yacamu.

Sa na rawa ni ko vakadeitaka vakaivola na yacamu mai na siga Moniti 11 Sepiteba me yacova na siga Vakarauiwai 14 Okotova.

Mo wilika [vote.nz](http://vote.nz) mo na raica kina nai kuri ni tukutuku me baleta na sala ni veivuke vakarautaki oqo.